



Broj: 13-03-01-/4-57-23/26
Sarajevo, 14.07.2026. godina

PMMLJEN		03-08-2026	
Organizaciona jedinica	Broj prijave	Broj priloga	
01	04	24273-396	

Kanton Sarajevo
Skupština Kantona Sarajevo
Ul. Reisa Džemaludina Čauševića 1
71 000 Sarajevo

PREDMET: Informacija po zastupničkoj inicijativi, dostavlja se

Poštovani,

Postupajući po aktu Ureda za borbu protiv korupcije Kantona Sarajevo, broj:20-04-341-1001/26 od 29.06.2026. g., u vezi sa Zastupničkom inicijativom zastupnice Sebiye Izetbegović, u okviru podataka kojime raspolažemo, na upućena pitanja dostavljamo odgovore kako slijedi:

1. „Ko je inicirao postupak kupovine objekta nekadašnjeg logora „Kon-Tiki“ i na osnovu kojih odluka, zaključaka ili drugih akata je pokrenut postupak njegove kupovine“

Odgovor: Prema saznanjima kojima raspolažemo, nosilac ovih aktivnosti je bila Skupština Kantona Sarajevo.

2. Tačan iznos sredstava izdvojenih za kupovinu predmetnog objekta?

Odgovor: Nosilac ovih aktivnosti je bila Skupština i Vlada Kantona Sarajevo, a u skladu sa javno dostupnom informacijom koju je sačinio Tim Vlade Kantona Sarajevo za pregovore o cijeni za otkup objekta „Kon- Tiki“, od 26.09.2022. g., ponuđena cijena otkupa je iznosila 750.000,00 KM.

3. Od kojeg pravnog ili fizičkog lica je objekat kupljen, uz dostavljanje podataka o vlasništvu nad objektom prije kupovine?

Odgovor: Nosilac ovih aktivnosti je bila Vlada Kantona Sarajevo, a prema informacija koje su javno dostupne, objekat je kupljen od vlasnice Anke Beganović.

4. Iz kojih budžetskih ili drugih finansijskih izvora su obezbijedena sredstva za kupovinu objekta?

Odgovor: Nosilac ovih aktivnosti je bila Skupština Kantona Sarajevo, ne raspolažemo informacijom iz kojih budžetskih ili drugih finansijskih izvora su obezbijedena sredstva za kupovinu objekta.



5. *Ko je sačinjavao komisiju, radnu grupu ili drugo tijelo koje je učestvovalo u procjeni vrijednosti i donošenju odluke o kupovini objekta?*

Odgovor: Prema saznanjima kojima raspolazemo, Vlada Kantona Sarajevo je 20.07.2022. g. donijela Rješenje o imenovanju Tima Vlade Kantona Sarajevo za pregovore o cijeni za otkup objekta „Kon – Tiki“.

6. *Da li postupak kupovine proveden u skladu sa važećim zakonskim propisima, te da li su pribavljene sve potrebne procjene, saglasnosti i mišljenja nadležnih organa?*

Odgovor: Nosilac ovih aktivnosti je bila Skupština i Vlada Kantona Sarajevo, ne raspolazemo traženim informacijama.

7. *Ko je izvođač radova na rekonstrukciji objekta, na koji način je izabran i kolika je ugovorena vrijednost radova?*

Odgovor: Izvođači radova, izabrani po provedenom postupku javne nabavke, su: LOT 1 – CENTAR-HAN d.o.o. Sarajevo (otvoreni postupak), LOT 2 – KOLINVEST d.o.o. Sarajevo (otvoreni postupak), LOT 3 – EKO TEH d.o.o. Sarajevo (otvoreni postupak).

8. *Ko je izradio idejno, glavno i izvedbeno rješenje za rekonstrukciju objekta?*

Odgovor: Projektantska kuća STUDIO DVA

9. *Ko vrši stručni nadzor nad izvođenjem radova i da li su nadzorni organi evidentirali eventualna odstupanja od projektne dokumentacije?*

Odgovor: Zavod za izgradnju Kantona Sarajevo, isti nisu evidentirali odstupanja u projektnoj dokumentaciji.

10. *Koliko je do danas ukupno finansijskih sredstava izdvojeno za rekonstrukciju objekta, uključujući sve ugovorene, isplaćene i planirane iznose?*

Odgovor: Izdvojeno je cca 473.007,00 KM do sada.

11. *Da li su za izvođenje radova pribavljene sve potrebne dozvole i saglasnosti propisane važećim zakonima?*

Odgovor: Pribavljene su sve dozvole i saglasnosti koje su propisane važećim zakonima.

12. *Zbog čega je tokom rekonstrukcije došlo do uklanjanja, rušenje ili izmjene pojedinih dijelova objekta koji su predstavljali autentične elemente nekadašnjeg logora?*

Odgovor: Na prijedlog odgovornog projektanka i nadzornog organa i uz saglasnost svih učesnika u gradnji odlučeno je da se sprat objekta demontira iz razloga što ne zadovoljava seizmičke uslove za područje Sarajeva. Konstrukcija bila je sačinjena od drvenih greda koje su bile obložene



gipskartonskim pločama, što je potencijalno predstavljalo opasnost po urušavanje krovne konstrukcije.

13. Ko je donio odluku da se mijenja izvorni izgled unutrašnjosti objekta i na osnovu kojih stručnih kriterija, mišljenja ili elaborata?

Odgovor: Nije došlo do izmjene izgleda unutrašnjosti objekta.

14. Da li su u postupku rekonstrukcije konsultovani historičari, stručnjaci za memorijalizaciju, udruženja logoraša i preživjele žrtve koje su bile zatočene u ovom objektu?

Odgovor: Da. Rješenjem broj: 13-03-01-KK/36-248-3/24 od 14.05.2024. godine imenovana je komisija za uspostavu Muzeja stradanja građana BiH i muzejske postavke logora koja se sastoji od: historičara, stručnjaka za memorijalizaciju, predstavnika udruženja logoraša i preživjelih žrtava torture i stručnog kadra Memorijalnog centra Sarajevo.

15. Da li je izvršena procjena posljedica koje je rekonstrukcija imala za očuvanje autentičnosti objekta kao mjesta stradanja i historijskog svjedočanstva o zločinima počinjenim tokom agresije na Bosnu i Hercegovinu?

Odgovor: Objekat 2000.-tih godina tadašnja vlasnica je preuredila u restoran i motel te kao takav bio je u funkciji određeni broj godina. U toku je uspostavljanje Muzeja Stradanja građana BiH uz aktivno učešće komisije za uspostavu istog.

S poštovanjem,

DIREKTOR
[Redacted signature]
[Circular official stamp of the Sarajevo Memorial Center]

Dostaviti:

- Naslovu;
- A/a.

